




CT  
370  
H95  
1805  
v. 2









典故列女傳卷之一

婦德篇中

施柳即衣架  
擲即梳篦

○曲禮曰。男女不雜坐。不同施柳。不同巾櫛。  
不親授。節○施音移柳音架嫂叔不通問。節男女非  
有行媒。不相知名。非受幣。不交。不親。

右第五十八章男女之防。人獸之關。  
最宜慎重。不可紊也。女子守身。當兢  
兢業業。如將軍守城。稍有一毫疎失。



則不得生。故曰：無不敬也。敬身爲大  
焉。別嫌明微，必防其漸。正本清源，必  
慎其始。可貧可賤，可死可亡，而身不  
可辱。述敬身之德，自此以下凡八章。

○孔子曰：夫禮，防民所淫，章民之別，使民無  
嫌，以爲民紀者也。故男女無媒不交，無幣不  
相見，恐男女之無別也。詩云：伐柯如之何？匪  
斧不克。取妻如之何？匪媒不得。莠麻如之何。  
橫從其畝。取妻如之何？必告父母。夫音扶，取俱去聲，從



宗音

右第五十九章

○孟子曰。丈夫生而願爲之有室。女子生而願爲之有家。父母之心。人皆有之。不待父母之命。媒妁之言。鑽穴隙相窺。踰牆相從。則父母國人皆賤之。

右第六十章

○召南申女曰。夫婦者。人倫之始也。不可不正。正其本。則萬物理失之毫釐。差之千里。節



晚軟弱也窳

中空也

笄即簪女子

許嫁乃笄

○召曲沃負曰男女之別國之大節也婦人  
 脆於志窳於心不可以邪開也是故必十五  
 而笄二十而嫁早正其號諡所以就規節情  
 也聘則為妻奔則為妾所以開善遏淫也節  
 成然後許嫁親迎然後隨從貞女之義也  
 音脆  
 音與迎去聲

右第六十一章

○行露之詩女子能以貞潔自守者也其詞  
 曰厭浥行露豈不夙夜謂行多露又曰誰謂



宿宿疾瘤者  
血氣留滯一  
處腫而不散  
也

雀無角何以穿我屋。誰謂女無家。何以速我  
獄。雖速我獄。室家不足。誰謂鼠無牙。何以穿  
我墉。誰謂女無家。何以速我訟。雖速我訟。亦  
不女從。厭入聲女無家女  
從之女俱音汝

右第六十二章

○齊閔王出遊。至東郭。百姓盡觀。宿瘤女採  
桑。不顧。王怪之。召而問焉。對曰。妾受父母教  
採桑。不受教觀大王。王曰。此奇女也。惜哉宿  
瘤。女曰。婢妾之職。慎德勤事。苟稱任使。宿瘤



何傷。王悅曰。此賢女也。命載之。女曰。使妾不受父母之教。而隨大王。是奔女也。大王又安用之。王大慙。歸使。使者以金百鎰。聘爲后。音瘡  
留稱去聲使者之使去聲

右第六十三章

○宋共公夫人伯姬。魯宣公女也。嫁十年而共公卒。宋災火及于姬所。左右曰。夫人避火。伯姬曰。婦人之義。保傅不具。宵不下堂。待保傅來也。左右曰。如火何。伯姬曰。吾死矣。夫越



符剖竹為之  
各持其半有  
事合以為信

義而生。不若守義而死。遂逮于火。春秋書之。

以著其賢行。勵天下之婦道也。

節

○其俱音  
赤矣夫之

夫音扶  
行去聲

楚昭王夫人貞姜從王遊于漸臺。王

他出。留夫人漸臺上。江水驟至。王使使者迎

夫人。而忘持符。使者至。夫人曰。王召宮人必

以符。今使者不持符。吾不行也。使者曰。水方

大至。還而持符。恐後矣。夫人曰。妾聞之。貞女

義不犯約。勇不畏死。棄約越義而生。不如死。

使者走取符。而臺崩。貞姜死焉。

使者之使  
俱去聲

論



觀於寧死而  
身不可辱况  
未必至死惟  
圖富貴含淫  
樂遂敗名喪  
節而不顧此  
又無耻卑賤  
之尤者也

曰。水火之災。死生之際。人謂可以行權者也。不知婦人以畏死而行權。將有無所不至者矣。白刃一脅。辱身敗名。則皆偷生苟免之心。誤之也。善乎兩夫人曰。越義而生。不如死。彼自視其身如泰山之重。不難以一死全之。敬身之至者也。

右第六十四章。

○魯秋胡子娶妻五日。去而官于陳五年。乃歸。將至家。見採桑婦而悅之。下車與語。婦人



責以不孝不忠不義理有詞正秋胡子其又何言倘因此而痛自謝過誓願改悔以母命留之或尚可挽回乃默無半語婦蓋逆知其不足有為而決志於一死也悲夫

採桑不顧。秋胡子曰。力田不如逢豐年。採桑不如見國卿。吾有金。願以與夫人。婦人曰。嘻。吾不願人之金。秋胡子遂去。至家奉金遺母。母命呼妻。妻出。乃桑間婦也。秋胡子大慚。妻責之曰。見色棄金。而忘其母。大不孝也。事親不孝。則事君不忠。處家不義。則治官不理。孝義並亡。禍不遠矣。任君別娶。妾投河水而死。乃作詩曰。郎恩葉薄。妾冰清。郎與黃金妾不應。若使偶然通一語。半生誰信守孤燈。



右第六十五章

○齊攻魯。至郊。見婦人抱一兒。携一兒而走。追將及。棄所抱抱所携。齊將執而問之。對曰。所抱者妾兄子。所棄者妾子也。力不能兩護。故棄之。齊將曰。兄子與已子孰親。對曰。已子私愛也。兄子公義也。亡兄子而存妾子。幸而濟。謂義何。故忍而棄吾子也。於是齊將使人言于君曰。魯未可伐也。山澤之婦。猶知行義。況士大夫乎。請還師。師還。魯君賜婦人束帛。

此齊將亦善  
於覘人國者



百端號曰義姑姊。

齊將之將俱去聲

右第六十六章。婦人但知徇私罕顧公義。苟可適己自便。遑恤其他。此亦恒情之常。末俗之陋也。古之哲婦。放義而行。私愛可捐。軀命可捨。義聲著于當時。芳名垂乎千載。視彼自私自利者。相懸何啻倍蓰乎。述重義之德。自此以下凡五章。

放上聲

○戎伐蓋。殺其君。令于蓋。羣臣曰。敢有自殺。

蓋國名

蓰物數也五倍曰蓰



私愛公義不  
意邱子不知  
其妻知之

者。妻子盡誅。蓋將丘子自殺。人救之。不得死。  
及歸。其妻謂之曰。軍敗君死。子獨何生。丘子  
告以故。妻曰。曩有救。今又何也。丘子曰。吾非  
愛身。恐誅妻子耳。妻曰。吾聞主憂臣辱。主辱  
臣死。今君死而子不死。可謂義乎。多殺士民。  
不能存國而自活。可謂仁乎。憂妻子而忘仁  
義。背故君而事強暴。可謂忠乎。夫妻子私愛  
也。事君公義也。以妻子之故。失人臣之節。偷  
生苟活。妾等恥之。況於子乎。吾不能與子蒙



恥偷生遂自殺。戎君賢之。祠以大夫。以禮葬之。  
將去聲夫音扶大音太

右第六十七章。

○孝義保者。魯孝公稱之。保母臧氏之寡也。伯御作亂。弑懿公而自立。求公子稱于宮。將殺之。義保聞。伯御欲殺稱。乃以其子衣稱之。衣臥于稱之處。伯御不知而殺之。保抱稱出。遇稱舅魯大夫于外。告之故。遂匿稱以逃。十一年魯大夫請于天子。殺伯御。立稱。是爲孝。



二十兩為鎰  
誅夷言至城  
族也

已上二條事  
類程嬰杵臼  
然此出於乳  
母更難

公。節。衣稱之衣上去聲。秦攻魏殺魏主瑕。誅諸公子。而一公子不得節。乳母匿之以逃。魏之故臣見乳母而識之。曰。乳母無恙乎。吾聞秦令得公子者。賜金千鎰。匿者誅夷。今公子安在。母倘言之。可得千金。不言。則昆弟無遺類矣。乳母曰。嘻。我不知也。故臣曰。我聞公子與母俱逃。今魏國破亡。子匿之。將誰為乎。乳母曰。見利而反上者。逆也。畏死而棄義者。亂也。吾豈可利賞畏誅。廢正義而行逆節哉。遂



抱公子逃于深澤之中。故臣以告秦軍。秦軍追射之。乳母以身蔽公子。俱死焉。為去聲。論曰。此一保母。一乳母耳。即使不能存孤。誰復以大義責之者。乃一則已子代死。翼孝公以成立。一則千金不顧。甘以身殉公子。二人節義播天壤矣。魯之大夫與魏之故臣。賢不肖不必論也。復扶又切。

右第六十八章。

○衛宗二順者。靈王夫人及其傅妾也。王死。



斥紉言無子  
慮難擴也

夫人無子。傅妾有子。妾事夫人八年不衰。夫  
人曰。吾聞主君之母。不妾事人。今我無子。於  
禮。斥紉之人也。孺子不解故節。我甚內慚。願  
出居外。以時相見。傅妾泣而對曰。忠臣事君。  
無時怠倦。孝子養親。患無日也。妾豈敢以小  
貴之故。變妾之節哉。夫人固請居外。傅妾退  
而謂其子曰。吾聞君子處順。奉上下之儀。脩  
先古之禮。此順道也。今夫人難我。將欲居外。  
使我居內。此逆也。逆而生。不如順而死。欲自



殺其子泣而守之。夫人許留終身，俱養不衰。

紬與黜同解音  
懈養俱去聲

右第六十九章

醢冠娶之禮  
父醢酌子命  
往近婦

○蔡人妻宋人之女也。既嫁而夫有惡疾，其母將改嫁之。女曰：「夫之不幸，乃妾之不幸也。奈何去之？適人之道，一與之醢，終身不改。不幸遇惡疾，彼無大故，又不遣妾，何以得去？終不聽。」  
節○醢子  
肖切  
李德武妻裴淑英，尚書裴矩女也。甫嫁經年，而德武以父罪坐徙嶺表。矩



若汝也儼偶  
也猶云汝也  
偶別人

奏離婚。煬帝聽之。德武與淑英訣曰：我方貶，無還理。若必儼他族於此，長訣矣。對曰：婦無再醮。夫者天也，天可二乎？欲割耳自誓。德武奪刀不許，遂毀容貌。不御膏沐，讀列女傳，見述不再嫁者，謂人曰：不踐二庭，婦人之常。何異而載之書？久之，德武音問斷絕。矩決嫁之，斷髮絕粒，不可奪而止。後十餘年，德武還，爲夫婦如初。

節

煬音羊。傳去聲。斷字上徒管切。下都管切。

明末樂

間解縉胡廣侍燕文淵閣。帝曰：汝兩人少同



說無實之言  
毀善害能也

業仕同官。縉有子廣宜。妻以女。越日廣果生女。遂定盟。既而縉遭讒死。家戍邊。廣女未及歸。而縉子禎亮行矣。居數年。父母欲令改適。女厲聲曰。薄命之婚。皇上主之。父而承之一。與之盟。終身不改。背主違父。何用生爲。竊入室以刀截耳。家人急救。已血被兩頰。議遂寢。宣德初。解家赦還。女乃歸禎亮。事姑以孝聞。樂音洛。解音懈。少去聲。妻去聲。戍音帥。已音以。論曰。一與之盟。終身不改。此所謂義也。婦人不知大義。所以或至



失節哀哉。次重義于守節之上。使知生平大端。悉依乎義而行。無自私利之心。自無偷生苟活之患。正本清源。莫善於此。世有重義而不能守節者。我未之見也。

右第七十章

○易曰。恒其德貞。婦人吉。象曰。婦人貞吉。從一而終也。節禮曰。壹與之齊。終身不改。故夫死不嫁。節王蠋曰。忠臣不事二君。烈女不更

二夫。蠋音蜀



右第七十一章。婦道從一而終。豈以存亡改節。夫死不嫁。固其常也。不幸而遭強暴之變。惟有死耳。玉潔冰清。可殺不可辱。千載而下。有餘榮焉。若畏死貪生。至于失節。則名雖爲人。實與禽獸無異矣。述守節之德。自此以下十六章。

○或問。孀婦於理似不可取。如何。伊川先生曰。然。凡取以配身也。若娶失節者以配身。是



二語杜盡後  
人托詞改嫁  
之口真有閨  
世道之言

髧髮無貌髦  
音毛髮也

已失節也。又問或有孤孀貧窮無托者。可再  
嫁否。曰。只是後世怕寒餓死。故有是說。然餓  
死事極小。失節事極大。

婦音霜取  
俱去聲

右第七十二章

○衛共姜者。世子共伯之妻也。共伯蚤死。共  
姜守義。父母欲奪而嫁之。共姜不許。作柏舟  
之詩。以死自誓。其詞曰。汎彼柏舟。在彼中河。  
髧彼兩髦。實維我儀。之死矢靡他。母也天只。  
不諒人只。又曰。汎彼柏舟。在彼河側。髧彼兩



髦實維我特之死矢靡慝母也天只不諒人

只

共俱平聲髧音苔他音拖

右第七十三章

○陶嬰者魯陶明之女也。少寡養幼孤無強  
昆弟。紡績爲產。魯人聞其義。將求焉。嬰恐不  
得免。作歌自明。其詞曰。悲夫黃鵠之蚤寡兮。  
七年不雙。宛頸獨宿兮。不與衆同。夜半悲鳴  
兮。想其故雄。天命蚤寡兮。獨宿何傷。寡婦念  
此兮。泣下數行。嗚呼哀哉兮。死者不可忘。飛



輜音縹輶音  
平車前後屏  
蔽也重曰輜  
輕曰輶

鳥尚然兮。況于貞良。雖有賢雄兮。終不同行。  
魯人聞之曰。斯女不可得已。遂不敢復求。嬰  
終身不改。

少去聲夫音扶數行之行  
音杭已音以復扶又切

右第七十四章

○貞姬者。白公勝妻也。白公死。姬紡績不嫁。  
吳王聞其美且有行。使大夫持金百鎰。白璧  
一雙。聘為夫人。以輜輶三十乘迎之。大夫致  
幣。姬辭曰。白公生時。妾幸得充妃匹。執箕帚。  
今不幸死。願守其墳墓。以終天年。金璧之聘。



勢為亂於世  
然而自臨直  
矣乃得一石  
乞死義之臣  
又得一貞姬  
守節之如何  
其華歟

夫人之位。非所聞也。且夫棄義從欲者。汙也。  
見利忘死者。貪也。貪汙之人。王何以爲哉。妾  
聞忠臣不借人之力。貞女不假人以色。豈獨  
事生若此。於死者亦然。妾既不仁。不能從死。  
今又去而嫁。不太甚乎。遂却聘不行。吳王賢  
其守節有義。號曰貞姬。有行之行去聲。斬音烹。妃作配。且夫音扶。  
右第七十五章。

○梁有寡婦。榮于色而美于行。夫死不嫁。梁  
貴人爭欲娶之。不可得。梁王聞。使相聘焉。辭。



曰。妾聞婦人之義。一往而不改。以全貞也。若  
忘死而趨生。慕貴而羞賤。棄義而從利。無以  
爲人。乃引刀自割其鼻。曰。妾已刑矣。所以不  
死者。不忍幼弱之重孤也。相以報王。王大其  
義。高其行。復其身。尊其號。曰高行。節。行俱  
去聲。符  
俱去聲沛郡劉長卿妻桓鸞女也。甫生男而  
已。音以桓終不歸寧。男十五又死。桓慮不免。豫  
刑耳。自誓。宗婦流涕愍之。曰。若家未有他意。  
卽有。可因姑姊妹自表。何自苦如此。對曰。我



脂音煩。蔡內  
邑有泥事必  
致之蓋等之  
卿大夫也  
譙音樵

先君五更學爲儒宗經爲帝師。五更而來化  
不替德。男以忠孝顯。女以貞順稱。詩云。無忝  
爾祖。故自刑翦決之。不早明吾心。懼無及也。  
沛相表其閭。邑有祀膳焉。節○相曹爽從後  
文叔妻譙郡夏侯文寧之女。名令女。文叔蚤  
死。服闋。自以年少無子。恐家必嫁己。乃此髮  
爲信。其後家果欲嫁之。令女聞。卽復以刀廢  
兩耳。居止常依爽。及爽被誅。曹氏盡死。令女  
叔父上書與曹氏絕婚。強迎令女歸。時文寧



此等語取足  
勸婦女之德  
非見理明確  
鮮不為其所  
激

為梁相。憐其少執義。又曹氏無遺類。冀其意  
阻。乃微使人風之。令女歎且泣曰。吾亦惟之。  
許之是也。家以為信。防之少懈。令女于是竊  
入寢室。以刀斷鼻。蒙被而臥。其母呼與語。不  
應。發被視之。血流滿牀席。舉家驚惶。往視之。  
莫不酸鼻。或謂之曰。人生世間。如輕塵棲弱  
草耳。何辛苦乃爾。且夫家夷滅已盡。守此欲  
誰為哉。令女曰。聞仁者不以盛衰改節。義者  
不以存亡易心。曹氏前盛之時。尚欲保終。況



蒙眇眇音渺蒙眇眇音渺  
小也

今衰亡何忍棄之禽獸之行吾豈為哉

從

去聲闕音闕年少執義之少俱去聲斷都管切復扶又切強上聲相去聲風音颯已盡之

已音以誰為之魏浦妻房氏年十六浦病將

危顧謂之曰死不足恨但痛母老家貧赤子

蒙眇抱怨于黃壚耳言訖而卒及將大斂房

氏操刀割耳投棺中流血滂然姑劉氏哀懼

輟哭問故答曰年少不幸早寡實慮父母未

量至情故持此自誓耳兼慰夫魂于泉壤也

節。眇音渺壚音盧少去聲衛敬瑜妻王氏年十六而敬



瑜死。父母舅姑咸欲嫁之。王截耳置盤中。爲  
誓。乃止。所居有燕來巢。後失雄。雌孤飛不去。  
集王氏之臂。王感其偏棲。以絲絲繫燕足。爲  
誌。明歲燕復來。猶帶前縷。王因爲詩曰。昔年  
無偶去。今春猶獨歸。故人恩義重。不忍復雙  
飛。復扶又切論曰。此皆自刑耳鼻。惟恐不得全其  
節者也。令女爲父母所迫。乃自刑至再。倘迫  
之不已。則有死耳。禽獸之行。所不忍爲。是數  
人者同也。已音以行去聲



右第七十六章

風靡如風之  
加於草上無  
不偃靡也

○皇甫規之妻善屬文。能草書。規卒。董卓聞其名。聘以輜輶百乘馬二十匹。奴婢錢帛充路。妻乃輕服詣卓門。跪自陳情。辭甚酸悽。卓使奴拔刀圍之。而謂曰。孤之威教。欲令四海風靡。豈有不行于一婦乎。妻知不免。厲聲罵曰。君羌胡之種。毒害天下。猶未足耶。妾之先人。清德奕世。皇甫氏文武上才。爲漢忠臣。君親非其趨。使走吏乎。敢行非禮于汝君夫人。



輓乃駕馬頸  
之木

耶。卓乃引車庭中。以其頭繫輓。鞭扑交下。妻  
謂杖者曰。何不重乎。速盡爲惠。遂死車下。後  
人圖書號曰禮宗云。輓同論曰。董卓挾天子。  
亂天下。威勢強暴。赫然無比。非可以情理論  
者。不嫁則死。皇甫夫人籌之審矣。卓門陳請。  
厲聲罵賊。繫輓中庭。含笑斃杖。壯哉節烈。死  
有餘芬。彼貪慕富貴。或畏威失節之婦。觀茲  
圖書。以爲何如哉。

右第七十七章。



○號州司戶參軍王凝以疾卒于官。家素貧。二子尚幼。妻李氏携其子。負遺骸以歸。東過開封。止于旅舍。主人不納。李氏顧天色已暮。不肯去。主人牽其臂出之。李氏仰天慟曰。我爲婦人不能守節。而此手爲人所執耶。不可。以一手并汚吾身。卽引斧自斷其臂。見者爲之嘆泣。開封尹聞之。白其事于朝。官爲賜藥。封瘡。厚恤李氏。而答其主人。號古百切已音。以斷都管切爲。之嘆泣爲去聲。朝音。論曰。李氏潔清之操。亘潮爲去聲。瘡楚莊切。



天地萬古而不可磨滅者也。一手尚恐汚身，況其大乎。嗚呼，可謂烈矣。

右第七十八章。

○楚伐息，擄其君，使守門。將妻其夫人而納之于宮。楚王出遊，夫人出見息君，曰：「人生要一死而已，何至自苦妾無須臾而忘君也？」終不以身更二醮。乃咏詩曰：「穀則異室，死則同穴。」謂予不信，有如皦日。遂自殺。息君亦自殺。楚王賢其守節有義，乃以諸侯之禮合而葬。



之

節。已音以。

漢劉曜陷涇陽渭北諸城皆潰曜

獲將軍梁緯飲之酒曰吾得子天下不足定

也。緯自殺。緯妻辛氏色美。曜欲納之。辛氏大

哭曰。妾夫已死。義不獨生。且一婦人而事二

夫。明公又安用之。曜曰。貞女也。亦聽其自殺。

皆以禮葬之。

已音以。

論曰。擄其夫而欲妻其妻。

暴虐之甚者也不死必不免。息夫人辛氏如

一轍焉。夫妻偕死。感動仇人以禮合葬。息夫

人辛氏又如一轍焉。嗚呼。奇矣。此心此理之



同有不謀而合者也。

右第七十九章。

○何氏。宋韓憑妻也。憑戰國時爲康王舍人。妻何氏美。王欲奪之。捕舍人築青陵臺。何氏作鳥鵲歌以見志。其詞曰。南山有鳥。北山張羅。鳥自高飛。羅當奈何。又曰。鳥鵲雙飛。不樂鳳凰。妾是庶人。不樂宋王。俄而憑遇害。王與何氏登臺。何氏投臺下而死。遺書于帶曰。王利其生。不利其死。願以屍與憑合葬。王怒弗



聽使里人埋宿塚相望也。越宿有交梓木生  
于二塚之端。旬日而大。合抱屈曲。體相就根。  
交于下。又有鴛鴦雌雄各一。恒棲樹交頸悲  
鳴。宋人哀之。號其木曰相思樹。樂俱音洛

右第八十章

○唐奉天竇氏二女。生長草野。幼有志操。永  
泰中。羣盜數千人。剽掠其村落。二女皆有容  
色。長者年十九。幼者年十六。匿巖穴間。曳出  
之。驅迫以前。臨壑谷深數百尺。其姊先曰。吾



寧就死。義不受辱。卽投崖下而死。盜方驚駭。其妹繼之。自投折足。破面流血。羣盜乃舍之而去。京兆尹第五琦嘉其貞烈。奏之。詔旌表其門閭。永蠲其家丁役。

節。長俱上。聲舍音捨。明黃觀

妻翁氏有賢行。觀建文時。以進士及第。仕至宗伯。燕王之篡也。觀死節。翁及二女皆被逮。有旨配象奴。翁詭言避難時有金若干。寄城外親戚家。請往取。象奴利其物。與俱至郊外。翁云。兩女當以衣裾相結。恐稠人中迷失。奴



許之。至江濱。則率二女溺水死。至今。廟祀秦  
淮河于。行去聲。難去聲。論曰。盜剽村落。掠人婦女。燕  
篡社稷。亂人匹配。其爲賊同。其暴行無以異  
也。竇氏二女。投崖明烈。翁及二女。八水全貞。  
其不幸同。其立節無以異也。京兆奏旌流芳  
千載。秦淮立廟。血食河干。其寧死不辱。旣同。  
其食報亦無以異也。行去聲。

右第八十一章。

○余洪妻鄭氏女也。有殊色。南唐平建州。鄭



建封不可

故以大義責  
之此女可謂  
才中兼長

爲亂兵所掠。裨將王建封逼之。鄭不爲屈。劫  
以利刃。亦不可奪。建封嗜人肉。而掠婦人百  
計。日殺一人以食。引鄭示之。曰。汝懼乎。鄭曰。  
願早充庖。爲幸多矣。建封終不忍殺。以獻查  
文徽。文徽見之。曰。國色也。將以薦牀席。鄭大  
罵曰。王師弔伐。凡義夫節婦。宜加旌賞。以勵  
墓。王司徒出于卒伍。不識禮義。且無足怪。  
君侯知書。爲國之大將。當表率羣下。風化遠  
方。乃欲加非禮于一婦人。以逞其欲。妾有死



而已。速殺爲惠。文徽大慚。下令城中召其夫  
付之。裨將大將之將。俱去聲。已音以。論曰。鄭爲亂兵所掠。能  
脫王建封之手。幸矣。彼惟不畏死。故得全也。  
文徽大將。以義責之。無難愧悟。貞烈之婦。惟  
求一死。固亦有幸。而獲免哉。世人畏死。不敢  
貞烈。何也。將去聲。

右第八十二章

○王貞婦者。夫家臨海人也。德祐二年冬。元  
兵入浙東。貞婦與其夫舅姑皆被執。旣而舅



俘音孚。聲所獲也。

卷一

三

姑與夫皆死。主將見婦美。欲納之。恐其自縊。令俘囚婦人襍守之。甚嚴。欲求一死不可得。明年春。師還。挈行至岷縣青楓嶺。下臨絕壑。婦視守者少懈。齧指出血。書詩于山石上。南望慟哭。自投崖下而死。後其血皆漬入石。天且陰雨。卽墳起如始書。郡守爲立石祠嶺上。易名曰清風嶺。節○將去聲。岷音盛。楓音風。齧魚列切。墳房劒切。守去聲。趙貞婦者。夫家永新人也。宋亡。永新嬰城自守。元兵破城。趙抱兒隨舅姑。匿邑校中。爲



悍卒所獲殺其舅姑執趙欲污之不可臨以  
刃曰從我則生不從則死趙罵曰吾舅死于  
汝吾姑又死于汝吾不義而生寧從舅姑死  
耳遂與兒同遇害血漬于禮殿兩楹之間入  
甕爲婦人與嬰兒狀久而宛然如新或磨以  
沙石不滅燬以熾炭其狀益顯專甕音論曰二  
婦皆遭元兵皆親見舅姑之死踪跡同也烈  
血漬乎甕石皆能歷久如新千載下凜凜有  
生氣焉所謂不可奪之節至形銷骨化而後



猶不可奪者也。

右第八十三章。

○巴陵女子韓希孟。韓琦九世孫也。元兵陷岳陽。希孟被執。義不受辱。書詩衣帛上。投江而死。越三日。收其尸。復得詩于練裙帶中。其詞曰。我質本瑚璉。宗廟供蘋蘩。一朝嬰禍難。失身戎馬間。寧當血刃死。不作衽席完。漢上有王猛。江南無謝安。長號赴洪流。激烈摧心肝。

節○復扶又切難

去聲號平声

龍游儒家婦何氏。至正



間爲亂兵所掠。裂帛題詩投江而死。其詞曰。  
妾長朱門十九春。豈期今逐亂兵奔。失身無  
補君王事。死節難酬夫壻恩。江靜從教沈弱  
質。月明誰與弔孤魂。只愁父母難相見。願與  
來生作子孫。節○長二聲  
教平聲 蘭氏。江西吉安人。  
也有殊色。爲紅巾盜所掠。欲以爲妻。蘭乃手  
刃其子。題詩于壁曰。涇渭難分濁與清。此身  
不幸厄紅巾。孤兒豈忍更他姓。烈婦何曾惠  
二人。白刃自揮心似鐵。黃泉欲到骨如銀。荒



也  
給音反欺誑

村日落猿啼處。過客聞之亦慘神。遂擲筆自  
刎而死。陳友諒立廟旌之。蘭音各處去聲論曰。此皆  
不幸慘被寇掠。題詩盡節者也。韓何投江而  
死死已正矣。蘭乃手刃其子。書壁刎頸。烈有  
加焉。詩之工拙不必計也。已音以

右第八十四章

○元兵陷撫州。臨川王家婦梁氏。甫嫁數月。  
與夫皆被執。軍帥欲污之。梁氏給曰。夫在不  
忍也。乞歸之。而後可。帥以金帛與其夫遣之。



并與一矢却後兵婦度夫去遠罵賊而死節

○結蕩海切度入聲

劉宜者大同人也。至正間與姑華

氏逃難爲軍帥所掠。姑謂之曰。汝年少。奈若何。劉氏曰。死耳。姑曰。勿無刀。縊無索。將奈何。劉氏曰。當罵賊不屈。激其怒以就死耳。因賦庭柏以自況。遂相與大罵。爲賊所害。節○難去聲

少去聲

至正十五年有商人婦毛氏。美姿色。

隨夫避亂。爲賊所執。脅之曰。從我。多與汝金。否則殺汝。毛氏曰。寧剖我心。不願汝金。賊以



刀磨其身。毛氏大罵。聲不絕口。賊怒。遂剗其腸而去。聞者哀之。論曰。此皆不幸慘被寇掠。挺身就刃者也。梁氏計脫其夫。可謂智矣。劉與毛大聲罵賊。不過欲借彼賊刀。流芳千載耳。人生百年。總有一死。如此而死。爲得死所。不然。則狗彘之不若也。狗彘亦終必死。何世人之貪生敗節。願爲狗彘。悲夫。悲夫之夫音扶

右第八十五章

○章節婦。金氏女也。許配樂清章文寶。未成。



婚納妾包氏有娠而文寶病且死金氏固請往視之一見而文寶卒金撫妾治喪固守不嫁妾生子綸金親教以讀書通大義復遣就外傳綸成進士金氏作詩見志其詞曰誰云妾無夫猶及見夫夫方殂誰云妾無子側室生兒與夫似兒讀書妾辟纁空房夜夜聞啼烏兒能成名妾不嫁良人瞑目黃泉下復扶又切論曰金氏未歸文寶則猶未成婦也以熒熒寡女爲人撫妾字孤至于有成尤守貞之僅



見者也。天鑒奇節。子克顯揚。見志一詩。傳之  
千秋不朽矣。爲去聲

右第八十六章

○吳孫翊爲丹陽守。嬖覽時爲都督。與郡丞  
戴員及翊左右邊洪謀殺翊。會翊送客。洪從  
後殺之。迸走入山。翊妻徐氏購募追捕得洪。  
殺之。覽遂入軍府。悉取翊嬪妾及左右侍御。  
徐氏有姿色。覽欲并取之。徐恐不從。見害。乃  
僞曰。乞須晦日設祭除服。乃可。覽從之。徐潛



使人語翊舊將孫高傳嬰等。高嬰相與涕泣。共誓合謀。至晦日。徐氏設祭訖。乃除服薰香沐浴。更于他室安施帷帳。言笑歡悅。覽密覘。無復疑意。徐先召高嬰。與諸婢伏于戶內。覽入。徐大呼。高嬰俱出。共殺覽。餘人就外殺員。徐乃還哀經。奉覽員首祭翊。舉軍震駭。以爲神。守去聲。嬌音規。論曰。殺其夫而取其妻。此仇可一刻不報哉。徐氏旣能全節。又復夫仇。可謂貞且智矣。巾幗中之英雄豪傑也。



右第八十七章。禮曰父之仇弗與共戴天。婦人事夫終身不改。喪必三年。則猶之乎父也。不幸變生意外。父爲人所殺。無兄弟可以復仇。身雖女子。義不容已矣。夫見殺。妻復仇。正也。刺刃仇人之胷。卽以一死償之。亦足含笑九原。流芳千古。況且未必死乎。明盛之朝。以忠孝節義教天下。固有飲泣殺賊。反得表閭宥罪者。奇行偉人。



不可磨滅述復仇之德自此以下凡

五章

已音以刺音恣  
朝音潮行去聲

○長樂申屠氏慕孟光之爲人。自名希光。有  
詩才。旣適侯官秀才董昌。絕不復吟食貧作  
苦宴如也。郡中大豪方六一聞希光美。心悅  
之。乃使人誣昌重罪。罪至族。六一復陽爲居  
閒。得輕比。獨昌被殺。妻子俱免。因使侍者通  
殷勤。强委禽焉。希光具知其謀。謬許之。密寄  
其孤于昌之友人。乃求利七首。挾以往。好言



以閨中弱質  
而能手刃一  
家復讐頭致  
祭墓所雖勇  
由義激亦鬼  
神陰有以助  
之也

謝六一。因請葬夫而後成禮。六一大喜。使人  
以禮葬昌。希光則僞爲色喜。艷粧入室。六一  
既至。卽以匕首刺之。帳中六一立死。因復殺  
其侍者二人。至夜中。詐爲六一暴病。以次呼  
其家人。至則皆殺之。盡滅其宗。因斬六一頭。  
置囊中。至昌墓所祭之。明日悉召村民。告以  
故。且曰。吾將從夫地下。遂縊而死。時靖康二  
年也。樂音洛。七音切。論曰。申屠氏爲夫報仇。手  
刃六一全家。千古大快也。遍告村民。從夫地



下。心事如青天白日。非蓋世英雄何以能苦  
此哉。爲去聲

右第十八章。

○梁襄州都軍務周景溫移職于徐有勁僕  
自恃拳勇。獨與妻策驢而行。至芒碭澤間。大  
言曰。聞此素多豪客。何無一人與吾決勝負。  
乎。言畢。有五六盜自叢薄間躍出一夫自後。  
雙手交抱。搏而仆之。抽短刀以斷其喉。蓋掩  
其不備也。僕妻在側。殊無驚駭。但矯而大呼。



其習人

不能及

曰。快哉。今日方雪吾之恥也。吾本良家之子。遭其俘掠。以至於斯。孰謂無神明哉。賊謂其誠而不殺。與行李併二韃驅以南邁。近五六十里。至亳之北界。達孤莊。南而息焉。莊之門有器甲。蓋近戍巡警之卒也。此婦遂徑入村人之中堂。盜亦謂其謀食不疑。婦乃泣拜其總首。且告其夫遭屠之狀。總首潛召其徒。一時執縛。械送亳城。咸棄市。婦返襄陽。爲尼終焉。

錫音蕩。斷都管。切戊去聲。

論曰。此之報仇。抑亦難矣。申



途被劫。羣盜殺夫。覆巢之下。寧有完卵。非僕妻急智。詐快大呼。頸血已污。賊刃雖欲報仇。得乎從容觀變。頃刻執縛。賊乃知爲所賣。已懸首市曹。無及矣。嗚呼快哉。已俱音以從音聰

右第八十九章

○豫章謝小娥。八歲喪母。嫁歷陽段氏。父與夫家常同舟貿易。江湖間。小娥年十四。父與夫皆爲劫盜所殺。小娥亦被傷墜水。爲他船所獲。依妙果寺尼。夢父謂曰。殺我者。車中猿。



門東草。又夢夫謂曰。殺我者。禾中走。一日夫。  
小娥不能解。常書此語。廣求智者辨之。歷年  
不得。至元和八年。李公佐罷江西從事。泊舟  
建業。登瓦官寺閣。僧齊物爲李述之。李憑檻  
書空。忽有所悟。令寺童疾召小娥。謂之曰。殺  
汝父者。申蘭。殺汝夫者。申春也。其曰車中猿  
者。車字之中。乃申字。申非屬猴乎。草下有門。  
門中有東。蘭字也。禾中走。是穿田過。亦申字。  
一日夫者。夫上更一畫。下一日是春字。其爲



申蘭申春明矣。小娥慟哭再拜。密書四字于衣。誓訪一賊以報其冤。更爲男子服。傭保江湖間。歲餘。至潯陽郡。見紙榜子招傭者。娥應召。問其主。果申蘭也。娥心憤。貌順。在蘭左右。甚見親愛。金帛出入之數。無不委之。每覩謝之衣物器具。未嘗不暗泣。蘭與春宗昆弟也。春家在大江北。獨樹浦。往來密洽。一日春携大鯉。兼酒詣蘭。至夕羣盜畢至。酣飲既去。春沈醉臥于內室。蘭亦覆寢于庭。小娥潛鎖春。



于內。抽佩刃先斷蘭首。呼號隣人並至。擒春于內。獲贓貨數千萬。初蘭春有黨數十人。暗記其名。悉擒就戮。時潯陽太守張公嘉其孝節焉。小娥遂爲尼。以老。喪去聲號平聲論曰。娥無親屬。賊無名姓。此之報仇。抑又難矣。因夢而得名。傭保而得賊。至誠所感。天亦憐之。使成其志。亦可見殺人者死。申蘭申春終無所逃于宇宙之外也。若小娥之孝節。豈待言而著哉。



典故列女傳卷之一下

婦德篇下

○內則曰。凡生子。擇于諸母與可者。必求其寬裕慈惠。溫良恭敬。慎而寡言者。使爲子師。子能合食。教之右手。能言。男唯女俞。男鞶革。女鞶絲。六年。教之數與方名。七年。男女不同席。不共食。八年。出入門戶。及卽席飲食。必後長者。始教之讓。九年。教之數日。十年。出就外

觀古人教子  
曰孩童以至  
成立節序周  
詳如此今富  
貴之家一味  
愛惜常有五  
六歲不出房  
門不見天日



十餘歲不就  
外傳聞見犢  
然言動罔措  
性柔者多愚  
蠢終身性強  
者必狠矣不  
法皆由禽犢  
之愛所致也

傳。居宿于外。學書計。衣不帛襦袴。禮帥初朝。  
夕學幼儀。請肄簡諒。十有三年。學樂誦詩舞。  
勺。成童舞象。學射御。二十而冠。始學禮。可以  
衣裘帛。舞大夏。惇行孝悌。博學不教。內而不  
出。三十而有室。始理男事。博學無方。孫友視  
志。四十始仕。方物出謀發慮。道合則服從。不  
可則去。五十命爲大夫。服官政。七十致事。凡  
男拜尚左手。  
子能食食上如字下音嗣唯上  
聲長上聲帥音率冠去聲衣裘  
帛之衣去  
聲孫去聲



右第九十二章。人子少時與母最親。舉動善惡。父或不能知。母則無不知之。故母教尤切。不可專事慈愛。釀成桀鰲。以幾于敗也。語云。慈母有敗子。蘇氏曰。愛而勿勞。禽犢之愛。古來徒舍斷織。和熊畫獲。皆自其少時慎之。甚至宦達。猶加箠楚。終身無姑息焉。述教子之德。自此以下凡十章。少俱去聲

驚音傲斷  
都管切



數語道盡慈  
母縱子性情  
欲教子者時  
當玩味

○顏氏家訓曰。古者聖王有胎教之法。凡庶  
縱不能爾。當于嬰稚便加教誨。使爲則爲。使  
止則止。比及數歲。可省笞罰。父母威嚴而有  
慈。則子女畏慎而生孝矣。吾見世間無教而  
有愛。每不能然。飲食運爲。恣其所欲。宜誠反  
獎。應呵反笑。至有識知。謂法當耳。驕慢已習。  
方復制之。捶撻至死而無威。忿怒日隆而增  
怨。逮於成長。終爲敗德。孔子云。少成若天性。  
習慣如自然。是也。諺曰。教婦初來。教子嬰孩。



誠哉斯語

節。此去聲已音以長上聲少去聲

凡人不能教

子女者亦非欲陷其罪惡。但重於呵怒傷其顏色。不忍楚撻。慘其肌膚耳。當以疾病爲論。安得不用湯藥針艾救之哉。又宜思勤訓督者可願苛虐於骨肉乎。誠不得已也。已音以

右第九十三章

○孟子之母其舍近墓。孟子之少也。嬉戲爲墓間之事。踴躍築埋。孟母曰。此非所以居子也。乃去舍市。其嬉戲爲賈術。孟母曰。此非所



以居子也。乃徙舍學宮之旁。其嬉戲乃設俎豆。揖讓進退。孟母曰。此真可以居子矣。遂居

之。

節。

音。少。去。聲。賈。音。古。衛。音。炫。

孟子幼時。問東家殺猪何

爲。母曰。欲啖汝。旣而悔曰。吾聞古有胎教。今

適有知而欺之。是教之不信也。乃買猪肉以

食之。

節。

音。嗣。食。

孟子旣學而歸。母問學所至。孟

子曰。自若也。母以刀斷其織。曰。子之廢學。若

吾斷斯織也。夫君子學以立名。問則廣智。是

以居則安寧。動則遠害。今而廢之。是不免於



廝役而無以離於禍患也。孟子懼旦夕勒學  
不息。遂成大儒。斷都管切夫音扶  
遠去声離去声

右第九十四章

○晉皇甫謐年二十。不好學。遊蕩無度。嘗得  
瓜果以供母。母曰。孝經云。三牲之養。猶爲不  
孝。汝今年餘二十。目不存教。心不入道。無以  
慰我。因嘆曰。昔孟母三遷。以成仁。曾父烹豕  
以存教。豈我居不卜隣。教有所闕。何汝魯鈍  
之甚也。脩身篤行。自汝得之。於我何有。因流



涕謚感而好學。遂博極羣書。

謚音密。好俱去聲。養去聲。鈍音。

逝行去聲

右第九十五章。

○韓夫人柳公綽之妻。仲郢母也。家法嚴肅。

儉約。為縉紳家楷範。常命粉苦參黃連熊膽。

和為丸。賜諸子。每末夜習學。含之以資勤苦。

節。楷只。

韓國夫人鄭氏。歐陽脩之母也。脩

四歲而孤。鄭氏守節教育之。家貧甚。常以荻

畫地學書。脩成人。舉進士。以直諫貶夷陵。鄭

女子鮮明義理多以其子超顯為可喜而以貶謫為可憂。揆子愛日之情寧暫。



合默以負所  
學而不忍抗  
直以傷母心  
非鄭夫人之  
賢烏能成歐  
公之賢哉

氏言笑自若曰吾家故貧賤吾處之素矣汝  
必安之脩後以忠正文學爲名宰相世稱柳  
母和熊歐母畫荻此之謂也

相去  
声

右第九十六章

○程母侯氏大中公珣之妻程顥程頤母也  
事舅姑內外聞其孝大中公禮敬特甚而母  
益謙順自牧雖小事未嘗專必稟命而後行  
治家有法不嚴而整恕僕妾之過惟恐有傷  
獨諸子有過小則詰責大則請命于大中公



子

乎不肖皆母  
綴其過二語  
切中世俗為  
母病根時當  
猛省

必求其改而後止。嘗曰：子之所以不肖，皆母  
蔽其過，則父不知而無由以正之也。諸子與  
人爭忿，雖直必責之曰：「患汝不能屈，不患不  
能伸耳。」及稍長，使從善師友。雖居貧，子欲延  
客，則喜而為之具。故二程夫子俱成大儒。節  
。珣音嚮，顓胡老切。頤音夷，長上声。伊川先生曰：「吾母生男六  
人，所存惟二，亦不姑息。纔數歲，行或跌，家人  
扶抱。夫人輒阿曰：『汝若安徐寧致跌乎？食而  
絮羹，即叱之曰：『幼求稱欲，長當何如？』故顓兄



弟生平。於衣服飲食無所擇。不惡罵。教使然也。稱去聲。長上聲。

右第九十七章

○申國夫人呂榮公希哲之母也。性嚴有法。雖甚愛公。然教公事事循蹈規矩。甫十歲。祁寒暑雨。侍立終日。不命之坐。不敢坐也。日必冠帶以見長者。平居雖甚熱。在父母長者之側。不得去巾襪縛袴。衣服唯謹。行步出入。無得入茶肆酒肆。市井里巷之語。鄭衛之音。未



嘗一經于耳。不正之書。非禮之色。未嘗一接

于目。故公德器成就。大異衆人。節。長俱。榮

公張夫人待制張盥之之幼女也。最鍾愛然

居常至細微事。教之必有法度。如飲食之類

飯羹許更益。魚肉不更進也。時張公已爲待

制河北都轉運使矣。及夫人嫁呂氏夫人之

母申國夫人姊也。一日來視女。見舍後有鍋

釜之類。大不樂。謂申國夫人曰。豈可使小兒

輩私作飲食壞家法耶。其嚴如此。盥音溫更。



以運使之使去聲  
鍋音戈樂音洛

右第九十八章。

錄省錄四  
徒有寬滯者  
寬之又錄音  
盧友音翻平  
理其枉而反  
正之也

○雋不疑為京兆尹。每行縣錄囚還。其母輒  
問平反幾人。不疑多所平反。母喜笑為飲食  
言語。否則怒而不食。故不疑為吏嚴而不殘。  
節○幾上声為飲鄭善果為魯郡守。每出聽  
食之為去声事。母崔氏于帳後察之。聞剖斷合理。則大悅。  
賜坐共食。若行事愆義或妄嗔怒。則終日不  
食。蒙袂泣。善果跪牀下不敢起。母乃訓之曰。



此種議論不  
減於魯啟姜  
非讀書窮理  
孝識兼到者  
不能道嘗言  
女子有才必  
如此方謂之  
才彼吟風味  
月安足道也

吾非怒汝。獨內愧汝家門。汝先君忠勤清恪。未嘗問所私。身殉國以死。亦望汝副其本心。汝少而孤。吾寡婦。有慈無威。故使汝懵于禮訓。汝自童子襲茅土。今位方岳。不思汝先人而墜于公政。內將墜失家風。以隕世亡爵。外將虧天下之法。蒙詬戾。吾死之日。何面目見汝先人于地下乎。善果頓首謝罪。請自改。乃許之。節。守去聲。少去聲。李景讓母鄭氏。性嚴明。早寡。家貧。子幼。母自教之。三子景讓。景溫。景莊。



皆進士及第。景讓在浙西有都押牙。迕其意。景讓杖之而斃。軍中憤怒。將爲變。景讓方視事。母出坐廳事。立。景讓于庭責之曰。天子付汝以方面。國家刑法。豈得爲汝喜怒之資。妄殺無罪之人乎。萬一致一方不寧。豈惟上負朝廷。使垂年之母。銜羞入地。何以見汝先人。命左右褫其衣。撻其背。將佐皆爲之請。拜且泣。久乃釋之。軍中由是遂安。押音鴨。迕阮古切。朝音潮。褫尺里切。將佐之將去聲。皆爲之爲去聲。論曰。此皆以官爲教者也。



不疑之母。可謂仁矣。崔氏涕泣而道。至情激切。爲子而不墜淚者。未之聞也。景讓之母。不惟善于教子。且免罪焉。以平萬軍之怒。安將佐之心。保家福國。厥功爲大。有此等賢母。而子弗爲名臣者。鮮矣。將去聲

右第九十九章

○陳堯咨精于弧矢。自號小由基。咸平中。舉進士及第。爲知制誥。出守荆南。其母馮氏問曰。汝典名藩。有何異政。對曰。州當孔道。客以



為子者以  
苦射間職  
可知矣母言  
具知為政之  
大體者

堯咨善射。無不嘆服。母怒曰。汝父教汝以忠  
孝。輔國家。今不務善政。異化而專。卒伍一夫  
之技。豈汝先人之意耶。以杖擊之。金魚墜地。  
節。吳賀之母教子義方。賀與賓客語。間旁及  
人短。母聞之怒。客退。笞賀至百。所親或解之。  
曰。臧否士之常。當有何過而笞之若是。母太  
息曰。吾聞愛其女者。必取三復白圭之士。妻  
之。誠全之也。今獨產一子。當使知禮讓。而出  
言忘親。豈可久之道哉。因泣不食。賀由是恐。



懼自敕。爲名進士。

否音鄙三去  
声妻去声

論曰子已顯

達。而親猶捶楚。可謂嚴矣。然出典名藩。不以

忠孝輔國家。安得不杖好談人短。以訐爲直。

聖賢之所惡。亦覆國亡家之道。安得不咎。非

此賢母爲二子者殆矣。

已音以好去  
声惡去声

右第一百章。

○崔氏房景伯母也。景伯爲東清河太守。有

疑獄。常先請于母。貝丘婦列其子不孝。景伯

爲悲傷。母曰。民未知禮。何足深過。但呼其母



于來。令見汝事我。當自改也。乃召其母與對。  
楊共食。立其子堂下。觀景伯供養者。旬日。悔  
過求還。崔氏曰。面慚耳。此其心未也。徐之又  
二十餘日。子叩頭流血。母涕泣乞還。然後聽  
之。風化大行。守去聲 養去聲

右第百有一章。

○顏氏家訓曰。吉甫賢父也。伯奇孝子也。賢  
父御孝子。合得終於天性。而後妻閒之。伯奇  
遂放。曾參婦死。謂其子曰。吾不及吉甫。汝不



及伯奇王駿喪妻亦謂人曰。我不及曾參。子  
不如華元。並終身不娶。此等足以爲誠。世間  
繼母慘虐孤遺。離間骨肉。傷心斷腸者。何可  
勝數。慎之哉。慎之哉。節。妻間離間之間俱  
去。聲喪去。聲勝平聲。  
江右不諱庶孽。喪室之後。多以妾媵終家事。  
疥癬蚊蚋。或未能免。限以大分。故稀鬪鬩之  
恥。河北恥于側出。不預人流。是以必須重娶。  
至于三四。母年有少於子者。後母之弟。與前  
母之兄。衣服飲食。爰及婚宦。貴賤之隔。俗以



爲常。身沒之後。詞訟盈公門。謗辱彰道路。子  
誣母爲妾。弟黜兄爲傭。播揚先人之長短。以  
求直已者。往往而有。悲夫。自古姦臣佞妾。以  
一言陷人者衆矣。況夫婦之義。曉夕移之。婢  
僕求容。助相說引。積年累月。安有孝子乎。此  
不可不畏。喪去聲。蚩音芒。分去聲。閭奚逆切。  
重平聲。少去聲。悲夫之夫音扶。  
右第一百有二章。人生不幸。盛年失配。  
中饋無主。不得不續娶後妻。以撫幼  
穉。亦冀母子相安。慈孝和樂。而爲人



後妻。往往暴虐前子。甚至讒譖蠱惑。致使其父亦遂不慈。古今通患。非一日矣。夫繼母如母。夫之子。卽已之子。原不可以二視。況待已子。雖加嚴酷。人亦諒其無他。待前子。稍有謬戾。世將指爲口實。故繼母之道。不可不慎也。述慈愛前子之德。自此以下凡四章。樂音洛。夫繼之。夫音扶。

○芒卯八子。前妻之子五。繼娶孟陽氏。生子



三。前子不孝。繼母乃命其子。衣服飲食起居進退。不得與前子齊。前子猶不孝。一日有犯魏王令者。當死。繼母憂戚悲哀。百計救之。人謂繼母前子負汝深矣。何救焉。繼母曰。阿又爲其孤也。使妾爲繼。繼母如母。母不愛其子。可謂慈乎。親其子而薄前子。可謂義乎。魏王聞其賢。乃赦此子而復其家。自後五子遂爲孝子。節。爲其孤。漢中陳文矩。繼妻李氏。字之爲去聲。穆姜有二男而前妻四子。文矩爲安衆令。卒。



大舜以至誠而化不慈之母穆姜以至誠而化不孝之子皆大聖人作用若有毫私意沾滯者便自不能

于官。四子以母非所生。憎毀日積。而穆姜慈愛溫仁。撫字益隆。衣食資供。皆兼倍所生。或曰。四子不孝甚矣。何不別居以遠之。對曰。吾方以義相導。使自遷善也。前妻長子興疾篤。母親調藥膳。恩情篤密。興疾久乃瘳。呼三弟曰。母慈仁。出自天授。吾兄弟不識恩養。禽獸其心。過惡深矣。遂偕三弟詣獄。陳母之德狀。已之過。乞就刑辟。郡守異其母。蠲其家徭許。四子以自新。後並為良士。

遠去声長上声論  
瘳音抽守去声



曰。孟陽穆姜。能盡繼母之道。前子遂化而爲孝。何其神也。故知天下無不可化之人。特我之誠未至耳。

右第百有三章。

○齊人鬪死於道。吏捕殺者。遇二子。執訊之。兄服曰。我殺之。弟曰。非兄也。我也。爭不決。言之相。相不能決。言之王。王命召其母問焉。母泣而對曰。殺少者。相曰。少子人所愛。云殺之何也。母對曰。少者妾子。長者妾夫前妻子也。



夫且死。囑妾曰。善視之。妾諾之矣。今許人以諾而不信。殺其兄而活弟。是以私愛廢公義。而欺死者也。子雖痛。可奈何。泣下沾襟。相言于王。王高其義。並赦之。而尊其母。號曰義繼母。節。相俱去聲。少。俱亡聲。長上聲。秦母者。秦閏夫繼室。柴氏也。問夫病且死。以前妻子爲托。柴辛勤紡績。撫之有恩。至正中。晉寧盜作。前子爲賊所得。在賊中。官執之。論死。柴引已子詣官。願以代。次子亦前請曰。從賊者我也。罪何可加于



兄。吏疑次子非柴所出。訊他囚。知之乃太息。曰。嗟夫。婦不忘夫命。信也。子赴死。成母志。仁也。上其事。免之。且旌其門。蠲徭役焉。嗟夫之夫音扶論曰。兄弟爭死。孝友已足稱矣。此人情所難。蓋平日感于母教也。繼母願以已子代前子死。尤千古之所難。蓋高義之極者也。有此高義。天必鑒之。君相有司必憐之。忍令乃子死乎。固宜其兩全無害。百世流芳不沒哉。已足之已

音以相去聲



右第百有四章。

○珠崖二義者。珠崖令後妻及其女也。珠崖令死。後妻生子九歲。前妻之女名初者十三歲。相携扶襯以歸。法。携珠入關者死。繼母有珠繫臂。棄之。其子拾而置之。母奩皆不知也。至海關。關吏索之。得珠曰。嘻。死矣。誰當坐罪。初恐母服罪。對曰。父亡之日。母棄繫臂。初心惜之。取而置之。鏡奩。母不知也。繼母亦以爲實然。心憐之。因謂吏曰。願且待。幸勿劾兒。兒



誠不知也。夫不幸。妾解繫臂。忘而置之奩中。  
妾當坐。初固曰。母哀初孤而強活之。初當坐。  
母曰。兒但讓耳。實妾取之。相與涕泣哽咽。路  
人莫不下淚。關吏執筆垂泣。不能就一字。乃  
曰。吾寧坐之。不忍刑慈母孝女也。俱遣之去。  
後乃知其男也。觀初覲切。奩音廉。強上。論曰。  
當時一寡母一幼子一孤女。必不得已而死。  
於斯三者奚擇。雖聖賢亦必曰女耳。孝哉初  
也。其女中之俊傑乎。然非賢繼母極力爭死。



初之死無辜。亦可惜者。至情迫切。哀感路人。  
非此母不能活此女。吾願天下之爲繼母者。  
鑒之。以已音

右第百有五章。

○文王后妃德性仁厚。詩人爲之歌。麟趾其  
詞曰。麟之趾。振振公子。于嗟麟兮。麟之定。振  
振公姓。于嗟麟兮。麟之角。振振公族。于嗟麟  
兮。爲去聲。振俱音真。定音訂。于俱音吁。

右第百有六章。末世婦人每多刻薄。



能勉於事上。而不能不忽於待下。故  
或發人細過。自矜明察。或虐使待婢  
無故鞭笞。以狹隘酷烈爲才能。仁厚  
之風渺矣。書曰。必有忍。其乃有濟。有  
容德乃大。脩德獲福。亦天道自然之  
應也。述仁厚待下之德。自此以下凡  
四章

○母師者。魯九子之母也。臘日休作。召諸子  
謂曰。婦人之義。非有大故不出門。但吾父母



家幼穉。歲事不理。吾往理之。諸子皆頓首許諾。又召諸婦曰。諸子許我歸視私家。雖踰正禮。願與少子俱。以備婦人出入之制。諸婦慎守家。吾夕而還。及其既也。天陰。先期至。止于閭外。俟夕乃入。魯大夫怪而問之。母曰。妾不幸早寡。與九子居。臘事禮畢。閒從少子歸視私家。與諸婦孺子期夕而反。妾恐其逸樂醉飽。情所有也。妾反過早。不欲遽入。故止閭外。

大夫言于穆公。賜號母師。

少俱去声閒去声樂音洛



右第百有七章

○唐滎陽縣太君鄭氏。拾遺元稹母也。寬厚性成。持家二十五年。專用訓誡。去鞭朴。正顏色。以訓諸女婦。女婦卓恪如履冰。正辭氣。以訓諸子孫。子孫愧恥。若撻于市也。婢僕終歲不聞忿爭聲。自童孺以逮成人。曾不識檀楚。閨門之內。熙若太古。蓋漸于化云。稹音軫。卓古栗字。

右第百有八章

○程子之母。治家有法。但于婢侍。未嘗加以



箠楚。或兒女小有呵責。必戒之曰。貴賤雖殊。

人則一也。節司馬溫公夫人張氏嘗夜濯足。

婢誤以沸湯沃之。足為爛。病月餘方已。僅一

批其頰而止。平居自奉甚約。及用調親戚。無

有所吝。已音以頰音切調音周

右第一百有九章。

○顏氏家訓曰。吾家巫覡符章。絕于言議。汝

曹所見。勿為妖妄。節呂氏童蒙訓曰。巫祝尼

媼之類。尤宜求絕。要以清心省事為本。

近來此風不惟煽惑婦女。且信及男子。其非在上者。操三尺以繩之。胡可止也。



右第百有十章。從來婦女多信鬼神。故巫覡尼僧。得肆簧口。爲誑誘財物之階。原其心。不過欲求福耳。不知死生有命。富貴在天。非神力所能轉移。即使鬼神有力。亦必福善禍淫。正直是與。豈聽巫尼諂佞。顛倒人世之是非。以妄加禍福。無是理也。三姑六婆。不上門。古人深以垂戒。蓋此輩花言巧語。能移人性情。壞人心術。一被煽



戒無所不至。小則耗斁財物。大則敗  
辱身名。所當嚴拒禁絕。不可與之相  
接也。僧道男人。尤非婦女所宜見面。  
乃婦女凡事避嫌。獨于僧道無所顧  
畏。甚至結隊成羣。入寺燒香。雜遝嬉  
遊。不知羞愧。風俗之壞。一至於此。嗚  
呼痛哉。書曰。作善降之百祥。作不善  
降之百殃。孔子曰。獲罪于天。無所禱  
也。述脩正闢邪之德。自此以下凡六



章

敦音加  
道音畚

○鄴有女巫。以幻術惑衆。每歲與三老延椽。斂民間數百萬錢。爲河伯娶婦。至期。巫行視人家女好者。卽聘取。洗沐之。爲治新衣。設齋宮河上。張緹絳帷。如嫁女牀席。令女居其中。浮之河。行數十里。乃沒。人家有好女者。恐巫取之。多挈眷逃亡。巫曰。若不爲河伯娶婦。水來漂沒溺人民矣。西門豹爲鄴令。會長老曰。再娶時。幸告予。予亦往送女。及期。豹往河上。



三老廷椽豪長皆會。觀者數千人。其大巫老  
女子也。年已七十。女弟子千人。皆衣繒衣。立  
大巫後。豹曰。呼河伯婦來。卽將女出帷中。視  
之。顧謂巫祝三老曰。是女子不好。煩大巫入  
報河伯。更求好女。後日送之。卽使吏卒共抱  
大巫投河中。有頃。豹曰。大巫何久也。弟子趣  
之。復以小巫投河中。有頃。曰。弟子何久也。更  
使一人趣之。復投一小巫河中。凡投三弟子。  
豹曰。巫媼女子不能白事。煩三老入白之。復



投三老河中。觀者大恐。豹立待良久。欲復使  
廷椽豪長入視之。皆叩頭。破額血流地。豹乃  
釋之。自是諸巫逃散。不敢復言。爲河伯娶婦  
河水亦不漂溺人民。爲河伯之爲俱去声緹  
音提長俱上声已音以  
衣繒上衣字去声趣  
俱音促復俱扶又切

右第百十一章。

○漢成帝時。趙飛燕譖許皇后。班婕妤呪詛  
主上。帝怒。廢后處昭臺宮。考問班婕妤。婕妤  
對曰。妾聞死生有命。富貴在天。脩正尚未蒙



福。爲邪欲以何望。使鬼神有知。不受不臣之  
愬。如其無知。愬之何益。故不爲也。帝悅。赦之。  
賜黃金百斤。僥音持佇音  
予愬同訴

右第一百十二章。

○唐長孫皇后有疾。太子請奏赦罪人。度人  
入道。后曰。死生有命。非智力所能移。赦者國  
之大事。不可數下。道釋異端之教。蠹國病民。  
皆上素所不爲。奈何以吾一婦人。使上爲所  
不當爲乎。長上声  
數音叙



右第一百十三章

○司馬溫公曰世俗信浮屠誑誘凡有喪事無不供佛飯僧云爲死者滅罪資福使升天堂受諸快樂不爲者必入地獄剉燒舂磨受諸苦楚殊不知死者形旣朽滅神亦飄散雖有剉燒舂磨且無所施又況佛法未入中國之前人固有死而復生者何故都無一人誤入地獄見所謂十王者耶此其無有而不足信也明矣

云爲之爲去聲  
樂音洛磨音冒



右第一百十四章。

○劉伯溫曰。浮屠氏設爲禍福之說。亦巧於致人者。人情無不愛其親。而謂冥冥之中。欲加以罪。孰不惻然動心。故中材之人。波馳蟻附。若目見其死者。拘于囹圄。受箠楚而望救。雖有篤行守道之親。則亦文致其罪。以告哀于上。偶木俑之前。彼固自以爲孝。而不知其爲大不孝。豈不哀哉。

節○行去聲

文去聲

浮屠又謂

婦人之育子者。必有大罪。入地獄。故見女子



尤篤信其說。持齋念佛。以致恩于母。劉伯溫  
曰。吾不知司是獄者爲誰。人必有母。將舍已  
母而獄人之母與。將并已母而獄之與。獄已  
母不孝。舍已母而獄人之母不公。不孝不公。  
俱不可以令將見羣起而攻之矣。雖有獄。誰  
與治之。吾知其必無是事也。舍俱音捨。母與之與。二與俱平  
声論曰。世俗親死。無不齋僧拜懺。必使其父  
母入於地獄。然後以僧援而出之。此不孝之  
尤。罪不勝誅者也。奸僧惑世誣民。圖舖餽耳。



爲人子女。何忍侮辱父母。以誣佛媚僧。至此  
極乎。讀是書。可以悟矣。勝平聲

右第一百十五章。

○儀禮云。父送女。命之曰。戒之敬之。夙夜無  
違。命母施衿結帨。曰。勉之敬之。夙夜無違。宮  
事。庶母及門內。施鞶。申之以父母之命。命之  
曰。敬恭聽宗爾父母之言。夙夜無愆。視諸衿

盤  
盤音

右第一百十六章。婦德通論也。婦德細



行難更僕數。至於大端不外敬慎而已矣。兢兢業業無非無儀。自念慮之微。以及事爲之著。皆本敬慎之心。以出之。而無敢一毫放恣焉。則內正其心。淑其身。宜其家人。而家道成矣。述婦德通論。凡五章。行去聲

已音以

○孔子曰。女及日乎。閨門之內。不百里而奔喪。事無擅爲。行無獨成。參知而後動。可驗而後言。晝不遊庭。夜行以火。所以正婦德也。



右第一百十七章

○趙母嫁女。女臨去。敎之曰。慎勿爲好女。曰。不爲好。可爲惡耶。母曰。好尚不可爲。其況惡乎。節淮南子曰。人有嫁其女而敎之者。曰。汝爲善。善人疾之。對曰。然則當爲不善乎。曰。善尚不可爲。而況不善乎。論曰。此所謂無非無儀也。知婦道矣。

右第一百十八章

○周南桃夭之詩曰。桃之夭夭。灼灼其華。之



子于歸。宜其室家。次章曰。桃之夭夭。有蕢其  
實。之子于歸。宜其家室。三章曰。桃之夭夭。其  
葉蓁蓁。之子于歸。宜其家人。天俱平聲

右第一百十九章

○張華女史箴曰。婦德尚柔。含章貞吉。婉孌  
淑慎。正位居室。樊姬感莊。不食鮮禽。衛女矯  
桓。耳忌和音。志厲義高。而二主易心。玄熊攀  
檻。馮媛趨進。夫豈無畏。知死不恡。班女有辭。  
割驩同輦。夫豈無懷。防微慮遠。人咸知飾其



容而莫知飾其性。性之不飾。或慾禮正。出其  
言善。千里應之。苟違斯義。同衾以疑。驩不可  
以黷。寵不可以專。專實生慢。愛極則遷。致盈  
必損。理有固然。故曰。翼翼矜矜。福所以興。靖  
恭自思。榮顯所期。女史司箴。敢告庶姬。嫿音翳趨

同趨恡音  
吝大音扶

右第一百二十章。德者婦人一生之大  
本也。爲言爲容爲功。必依德以立。故  
著婦德獨詳焉。譬之車。德其輪也。車



非輪不行。若作室家。則梁棟也。棟折  
榱崩。室不立矣。故婦人有德。則內行  
克敦。外觀有耀。一舉一動。皆足爲模  
楷。雖奇醜若鍾離春。吾愛之敬之。無  
德而徒有才。其才不足稱也。蔡文姬  
之詩。李易安之文。失節再醮。讀者尤  
爲齒冷。況於埳垣復關。兄弟啞笑者  
哉。古來奇才國色。接踵相望。一失其  
身。人所賤惡。雖有仙姿慧舌。妙技絕



藝由君子觀之。不過名妓者流耳。張  
麗貞曰。悔此宵一念之差。嘔心有血。  
致今日終身之誤。剝面無皮。嗚呼。可  
不慎哉。述婦德百二十章。皆取其足  
法。而懲創者不與焉。女子既入學。讀  
書識道理。於吾言所不盡者。當深思  
而自得之。以正厥德也。何有。內行之  
行去聲

易音異。唄音鬼。啞音  
戲惡去聲。與去聲。







